

Reykjavík, 10. febrúar 2021

Heilbrigðisráðuneyti
Skógarhlíð 6
105 Reykjavík

Efni: Tillaga til þingsályktunar um stofnun landsráðs um mönnun og menntun í heilbrigðisþjónustu.

Umsögn Heilbrigðisvísindasviðs Háskóla Íslands

Heilbrigðisvísindasvið Háskóla Íslands (HVS) lýsir yfir ánægju með tillögu til þingsályktunar um stofnun landsráðs um mönnun og menntun í heilbrigðisþjónustu. Stofnun landsráðsins er skynsamlegt framtak og bindur HVS miklar vonir við að það leiði til góðs fyrir skjólstæðinga heilbrigðisþjónustunnar á Íslandi.

HVS brautskráir nemendur í nær öllum háskólamenntuðum heilbrigðisstéttum hér á landi. Auk þess sem samvinna er við aðrar stéttir eins og meðal annars endurspeglaðist í kynningu sviðsforseta HVS á sl Heilbrigðisþingi á vegum ráðherra. Við gerum okkur þess vegna góða grein fyrir því hvar skóinn kreppir í mönnun og menntun. Háskóli Íslands hefur oft lagt grunn að námi og rannsóknum sem leitt hafa af sér mikilvægar starfsstéttir og þekkingu í heilbrigðisþjónustu. Það er mikilvægt að almenningur í landinu fái aðgang að bestu þekkingu sem völ er á, en nær ógerningur er fyrir þorra almennings að nálgast aðstoð ákveðinna stétta og erum við hér á landi þar langt að baki nágrannabjóðunum.

HVS styður eindregið áhersluna á að um þverfræðilegt ráð verði að ræða og minnir jafnframt á að leitað verði upplýsinga og álits meðal sem flestra fagstétta heilbrigðisvísinda og að landsráðið endurspegli breidd í fagþekkingu, auk þess að vera skipað reynslumiklu fólki.

Mikilvægt er að tryggja breiða nálgun ráðsins og því nauðsynlegt að horfa til fjölbreytts bakgrunns ráðsmanna. Leið til þessa gæti verið að tilnefningaraðilar nefndu 2-3 aðila svo ráðuneytið muni eiga hægara með að skipa ráðið með þessum fjölfaglega hætti.

F.h. Heilbrigðisvísindasviðs Háskóla Íslands

Inga Þórsdóttir prófessor
Forseti Heilbrigðisvísindasviðs



HÁSKÓLI ÍSLANDS

HEILBRIGÐISVÍSINDASVIÐ

www.hi.is
